

四庫未收書輯刊編纂委員會編

四庫未收書輯刊

北京出版社

伍輯・貳拾柒冊

四庫未收書輯刊

四庫未收書輯刊編纂委員會編

北京出版社

〔清〕許楚撰

青巖集十二卷

清康熙五十四年許象縉刻本

伍輯・貳拾柒冊目錄

青巖集十二卷	〔清〕許楚撰	一
四照堂文集五卷詩集二卷	〔清〕王猷定撰	一三五
柘溪集一卷	〔清〕喬邁撰	三六一
顧頤集八卷	〔清〕吳騏撰	三六九
南邨詩藁二十四卷	〔清〕潘高撰	四二七
翠岩偶集六卷	〔清〕李雍熙撰	五八七
爰始樓詩刪八卷	〔清〕陸弘定撰	六三五
說安堂集八卷	〔清〕盧震撰	六八三

〔清〕許楚撰

青巖集十二卷

清康熙五十四年許象縉刻本

施愚山
王阮亭
兩先生鑒定

青巖集

汪息廬先生校正

白華堂藏板

原序一

新安舊文獻之鄉也代有名儒高士篤生其間而於宋季元初猶稱理學之盛予於歙令簿書之餘雅與邑之多士講論討習閱一載而得張子雲仲明年而得汪子扶光再明年而得許子芳城三子皆韶年俊髦高才博學束修其身風華自遠非斤斤與時賢競尚聲氣工謀名譽而已然芳城猶具有高世勝情志在藏山詞篇藻逸情致顯雋一何工也往者予門人張天如遺余書曰芳城淹通經史力振古風著作之林號稱弘贍何論時藝予雅以天如爲知言及發其南村稟選二百餘篇自賦論鴻章以迄於詩歌聲韻靡不根柢體製蕩滌詞源一切新聲毅焉防絕故能剔抉浮華快舉胸臆力創奇詭獨妙閒曠誠藝苑之先型詞林之正軌也昔張陸餘學而聲韻無傳李杜餘才而著述罕備若芳城者可謂能兼之而無憾且國家敦勵學行綜核名實意在得人木天一座予將拭目而觀之矣嶺東友人葉高標譔

原序

原序二

古者諫誦並進發爲言辭類有所導道於世故時
諷正於上而士大夫不以爲嫌卽同列浮雅亦罔
敢異云此降至今日有咏歌而無勸責豈俗盡返
淳刑法可措良以危激自慮遂漸移而並之爲諛
也我二三兄弟敦勉厥旨無或改柯雖戚好之倫
詰言勿過將以戒損其外樹爲型端浮士不察畏
爲親禮而失樂危忌自遠嗟乎欲以自進而相與
導道亦何由哉許子芳城毅然獨是逾相樂習浹
入性情動容對與之間多有悚其志念者以測所

原序

二

存爲益深遠質蘊而文昭又何俟揚厲枝葉而乃
足人聽覽哉詰夏靜業西干筇中日積屬以稿引
謂予故不以言安予復以此進使深智之士知吾
社相輔以成者中有自考焉耳然其文照人耳目
前有張天如先生稱道不倦復有金正希先生引
爲君山兩先生人倫文章之冠是亦足矣矧同志
樂道顧不信歟昔

崇禎乙亥秋月邑同學弟江天一拜書

原序三

往歲在歙與許芳城諸子修舉白榆社間往候之
壺石山房芳城家已毀度書雙白版其上當裴几
日事編纂無少愠色會慈光堂頭相尋至相與舉
一二故人詩嗚咽失聲已予與堂頭入黃山芳城
適吳契濶旋十載予數抵于湖與之先後相失去
年畢階三寓子書云芳城幾目不見物念之甚比
始得其尺一則口授寫寄者曰不佞老且目眚空
齋臥病及門諸子爲收葺青巖殘稿得詩文二十
卷平生執友如足下何可無一言嗟乎予于芳城

原序

三

而不勝世道盛衰之感也當芳城弱齡名滿天下
吾黨聲相慕如敵國之不相爲下未幾干戈日尋
詛視全至而吾宛與新安諸子不以興戎也是時
也芳城實長歙盟望旗鼓江上而樹風雅之的賦
詩贈賄有包舉六合之意嘻其盛已又未幾而陵
谷遷異海內英髦之士蜩縮而雌伏芳城亦遂折
牙息幢棲于寂寞之濱卽萬事無復作又奚取乎
空言爲問有託之亦緣手散佚能幾何耳故讀其
編而詩之蒼涼古澹與文之幽奧特兀皆非讀三
代以下書所有而亦非成弘隆萬昌阜之日所能

爲也則所云易之興以憂患而三百篇爲聖賢發憤之所爲作也嗟乎以芳城少自期待豈屑屑以言見卽以言而其充棟梁東牛腰者寧塵塵此數十卷書乎昔白榆社之肇起也在歛爲少司馬汪公以二仲左右之予宛處在鄰壤亦狎相雄長是時也薦紳先生功勲著旂常而布衣之士鋒距巖巖千秋自命所至重于二千石何況僂辱芳城數不第京兆試又遭遇非時與華門圭竇相守嘗駟車三入吳一游燕歸而槁項故鄉疾且痼之使非伉俪如斯人者臣之精已銷亡矣又烏所得此數十卷書乎尚憶丙戌之歲芳城臨眺宛予方竄伏以言爲諱見之相嘿嘿而去不敢訶驪駒以迄于茲文雅之會凋落無存而我友在傍郡者如芳城與非二階三諸賢得日讀其書良厚幸爾曰青巖集者志地也宛陵澗影老友弟俞綬拜題

原序

四

西陵竹枝詞序

竹枝詞十五國風之遺旨也誌土風而諱習尚妖童冶女之行密聞通衢之語雅俚皆收朝野僉載如是而已然其間辨貞淫之大分陳勸戒之微詞發情止義實與清廟明堂風烈並著今吾旅亭之爲此也其抑有合焉者耶旅亭之博物洽聞其于詩體靡不畢備而三十四篇乃猷稱名小取數大一觴一咏具九辨九歌之情焉石馬銅駝拳拳致慨黍離麥秀之感今昔有同揆矣嗟乎忠臣孝子義烈擊心遇物興悲方寸五岳其有見于南渡之存亡而歌之而哭之亦奚有以異于今日也哉固宜其悱惻婉約如負痛楚于中而呻吟萬變也子美夔州後詩唱歎滄泆至其披文相質炳焉與雅頌同風今旅亭之窮而客西陵也拾橡採薪情狀略似而肆好之音均感頑艷亦有曠百世而相感者歟後之觀風者蓋將有取焉楚黃萬雲國拜書于孤山竹閣

詞序

五

渡河詩序

自夫林花飢飽譽擅繡囊積玉溫瑩望森元圃於是薄笨言遊松香已在霄漢卽或歌吟齒落雲日加于芙蓉其爲載筆遙征懷才命駕良非偶也予與旅亭十年別曠三徑踪疎每諷黃山存草如孤峰帶雪大經彌雲嗟詠移晷泉石滿目夫攜筇澤畔中散久矣忘歸養志山阿嗣宗于焉長嘯吾知旅亭會心遠矣積雪入燕烟霞馬首風霜驢背得渡河十九首出以示予予曰洛陽道上何在缺延年二篇嵩丘山前不宜少安仁一賦寒煙衰草勝

詩序

六

蹟遺踪待駕匪旦暮矣若其天骨洗以秋明嵐姿弄而晴綺風雨逗乎幽沈鬼神資其險阻今之異響宜快同時雲間士龍所在迎逢嚮慕知不獨張華一老也

順治辛丑初春同學弟吳雯清拜書于燕山客舍

新安江賦序一

古賦爲體不一大抵象形勝狀景物端以博洽雅麗爲工非數十年績學深思結撰未能奮藻摘毫擅登壇坫新安爲海內名區其形勝景物之奇什伯於江左諸郡尤難綜核備悉者乎許君旅亭懷貞抱璞之士余數讀其爲文博洽雅麗常擬爲長卿子雲者流一日有從弟浚明持其所作新安江賦見示其中舊郡之形勝景物莫不攷據詳悉有倫有脊一唱三歎約而能該華而不縛絕無雜沓繁冗諸弊使人倦於竟讀誠合古賦諸體而出之

賦序

七

以獨裁縱令長卿子雲起而珥筆能有加乎余愧非皇甫不能爲許君增重洛陽但念年來從事行役有所聞見輒劄記以實奚囊冀將來質之郡誌彙集一書今茲賦出不得不閤筆退讓獨步矣雖然風俗之淳漓人材之消長民生之苑枯原以聽在位者之推移三都兩京皆道其盛以悲其衰或爲旅亭言外意也讀茲賦者應作如是觀昔

康熙丁未歲夏季三山林雲銘西仲氏拜題於烏

聊李署

新安江賦序二

新安之以晉平姑臧名非古也當漢晉六朝時以
泉石顯望景爭塗士之懷煙趨壑者競赴焉是以
巖陵陳業之徒漁樵隱樂茲洞蔚至于休文康
樂唱泳川游貽書京邑矜曠舉云若夫吏斯土者
桃花之米可傳十三載之清風一日甚而鮑黃諸
守遂長子孫蓋愛其風物而託以幽阡亦曰吾萬
世後音影猶留是鄉也故仲淹之寄晏尚書衢歙
二水合於城隅一濁一清如濟如河漁釣鳬鷺白
雲徘徊居是邦也其感激于君親知已不已者豈

賦序

八

非以林淵錦鏡勝賞神鄉也哉屬時多故澗沮
闌吳老公所語家令以大好山水者今意寄非此
矣霄客不延羈心墳結誰復掇幽眺目歌野鷹來
者乎芳城老友感靈鼓之潛聲悼潭鱗之竭澤謂
罄流冥鬱遺唱無賡是逢集之羞也端牘抽札而
拜詮言蓋亦長嘯呼風之意哉嗚呼汝社亭空鏡
湖人去樓林石室之奇幾與風泉互亂手是編也
林歷青谿武烈猶旌乎宿莽呂灘昉水沐泳不去
乎懸蘿望射之年豐託鄭風以杖屨孤嶼年裘
之客蘭風漁詠之人滄江盡而潮回綠港濤而漸

合試長吟一再詠言國俗治亂民生樂哀皆能使
水木明瑟懷道協靈者矣何人採國風吾爲獻此
辭不徒以芳城之凌沈鑠謝爲今日吳富已也友
林同學弟王泰徵書于牛士庵

賦序

九

新安江賦序三

余夙慕黃山三十六峰之勝而不得一遊後官三衢嘗以扁舟往來湖嚴灘見歙溪之水澄澈如鏡聞溪之兩崖迴灘複嶂可釣可遊旣繫官四方中瀕患難羈絆亦以不獲遊覽其間爲憾然客有自新安來者未嘗不與談談輒心往意必有高賢遺老樂道德而能文章者與茲山茲水盤桓隱見爭有千古惜乎余不獲遊其地不獲遇其人也今年春余在京江許子彥賓一日攜其王父旅亭先生青巖集中所爲新安江賦一篇因問序于余讀之

賦序

十

則瓌奇瑰異極宇內之巨觀夫歙溪源出黃山中間巖巒之回互洞穴之幽奇與夫煙雲之變幻水石之澄明莫不一一可驚可喜而文之幽險光怪亦如之然後歙山川之勝得之心而寓之文也先生丁明之末季鼎革後卽隱居不出讀書自適其生平著述甚富然味此一巒已窺全豹倘異日者芒鞋竹杖問道黃山歙水之間得與其裔孫一登先生之堂而觀其所遊處則是余向所見聞而不獲遊其地遇其人者已大可暢然而無憾若許子彥賓孝謹質樸有古人之風又以知能世其家學

于無窮先生爲不死矣是爲序

康熙癸巳閏五大暑前三日長沙陳鵬年拜題於南徐寓齋

賦序

十一

青巖集總目

卷一

南村草堂古今體詩九十四首

卷二

南村草堂古今體詩一百一十四首

卷三

南村草堂古今體詩一百零六首

卷四

南村草堂古今體詩九十六首

卷五

青巖集總目

白華堂古今體詩九十七首

卷六

白華堂古今體詩九十八首

卷七

賦三首

卷八

序二十四首

卷九

傳六首

卷十

傳行狀詩銘七首

卷十一

記八首

卷十二

雜文三十九首

銘二十二首

補遺詞刻

孫男

象縉彦賓

恭校

族孫士佐幹侯泰訂

青巖集總目

甥汪其彬可曹全校

青巖集卷一

新安詩 楚芳城著

南邨草堂詩一

初至石雨

十里流泉五里峰山樓收盡碧芙蓉乍來未辨東西路昨夜月明何處鐘

福勝寺訪萬水上人

一寺隱森壁山椒帶草堂竹深苔髮老泉古石根香非雨峰常潤無秋暑自忘况尋猿鶴伴拋卷縱徜徉

青巖詩集卷一

舟發新安江至睦州道中

本落水云涸冬徂亦何往振棹遊錢塘逶迤自修廣朝發三浙源暮聽衆山響灩澦失崎嶇嚴陵注決滂豪吟浣素襟冷魄挹新賞金風戒寒律篷北恣幽想

重峰捲晴岫驚瀧奔夜流霧狎白生塢石突青屯丘歛嶺顧分巘睦川多曠疇鳥跡蹇寒麓猿聲交暮愁餘燈在山屋靜峽橫孤舟

錄睦川過釣臺泛月至江頭

昏旦際形域山澤昭穹窿連嵯帶平逸倏忽來陰

峰日緩踐林暝漁叟悵晚風霞影任興沒斷壁巢青松川伯何安流箕神護蒙茸矜云子陵墓轆轤成高踪森森夜流駛盛廢誰位同

星羅動輕橈揚帆猶未歇夕景方在茲寒暄赴波滅狂瀾徹瀛壖商音雜窮髮拾月惟孤檣摩雲見天末矯矯凌清虛晶晶噴蛟闕如何攄素懷乘風肆荒忽一息百里餘舟人倦明發

七里瀨

七里煙深晝不開布帆爭上子陵臺春江花信無消息嬌鳥一聲何處來

青巖詩集卷一

二

霜月按憲遶池聽落梅口號

破憲無夢夜沈沈遶砌孤銓聽殘漏霜風吹月到溪聲梅花點落詩魂瘦高癖從來難古人承天柏影今始又請從此處見坡翁翁其雞口予牛後春霽登紫霞巖

竹吟

晴曙邨炊煙數鬢籃輿宛轉畫圖間青帘乍試春堤曉紫嶂遙通老樹灣最愛溪聲香雨後飜疑遊客醉花閒林泉歲月稀華髮始信神仙老更頑五岳圖中學少文荒園數畝竹三分早知晚食原

非肉但恐餘生負此君靜夜每聽聲个个斜陽猶
愛碧醺醺咸知稽阮耽吟詠張廌依栖更不羣

采菇曲

人言種玉好煮玉不如菇行人仔細聽聽儂歌采
菇家住黃河決但識入菇路十三學采菇十五爲
人婦菇熟菇熟莫待遲日出菇作田中麋曉起但
向田中去莫學小姑畏霜露

漆室女搵

漆室女魯人也倚柱悲吟或問曰欲嫁乎
女曰吾憂國傷人故悲而嘯欲嫁何言乎

青巖詩集卷一

三

遂自經死

熊則有館今虎則有宮罹世網今迷其踪予倚柱
以悲號今寧無室而飄蓬

新安婦

新安婦莫寒素六月擘麻絲三冬曳裙布蛾眉二
十吟白頭孤燈夜夜關山路

贈唐祖命

奇崛寡夷輟庸流鮮持搯之子良有企俛仰庶不
佻耿介秉前詰姱修誠我曹藻翰見餘力葆位若
逍遙歷落二三子風期匪一朝昔爲參與商敬亭

鬱丰標今爲墳與箎古道生寂寥言念篤明德沈
酣日相招悠然感茲會意興亦何豪

過西清館訪畢奮庸尋雙鶴不值

山池荷葉爛野色漸歸秋飛閣數峰敞高泉百道
流竹喧因我展鶴放爲誰樓惆悵枯藤下西清風
自幽

題無名釣徒圖

天涯何地着頑仙物色斯干亦偶然莎草堤邊縫
櫂笠桃花影上繫梭船諱留姓字輸漁課不設機
心得酒錢長嘯碧潭欹枕醉買山誰及此高眠

青巖詩集卷一

四

孤邨

孤邨荒徑野花生消受幽居不用名白酒甕香鄰
叟過松濤遙帶鷓鴣聲

送舒章遊黃山

李郎提臂何適敏水誌山經消不盡昨從三泖來
天都青箱闕笈車連軫朝揮兩賦恣徜徉莫落千
詩疾鷹隼筆峰墨浪幾時恬瞬息奔流浮海蜃豪
華慷慨冠古人氣靡蛟螭貶螻蛄知音牛背已寥
寥白眼青蚨善矛盾古來幾許不得意嶽嶠浩宕
山水夾黃山之巔天爲鄰普門老人開天津昔者

訪之有太白今君復欲披荆榛容成有鼎丹不死
青霞紫霧函嶙峋木可求魚山可筏松欲龍今石
搏人石怪山頭不可狀只愁疏鑿勞心神

夏日同光我過訪王鳴玉田居

無功本不羨封侯消受當年研一頭獨木橋通張
浪蹟半帆艇載陸天游呼童呵草叅魚樂教子耕
田共鶴謀况有醉鄉會種秫知君原是舊風流

夏日社集漸江舒章晚至遇雨分賦得來字

一派平蕪綠千峰雲暗開如何山客至盡帶雨聲
來選勝君迷屐逋園我破苔均悲在淪落且逐野

青巖詩集卷一

五

人懷

讀王維鄭虔詩

文彩風流橫一時杜陵心折輞川詩若非凝碧池
頭句笑殺高人與畫師

華清宮裏霓裳變獨有平原死者難不是崔圓能
好事要留齋壁在人間

送汪立極兄弟歸涇溪

悒悒纓下桐翳彼荒坵臯長風自深漠逸翮來層
霄期我連城賓投我蒼文瑤神襟重悒悒遨遊挾
雙標寒氣耿征夢道遠不容舫佳期曠容與秋深

生沈寥君僕既痛矣君馬亦在鑣願托同聲羽報
我相思謠

秋晚同晉冲戡社集怡然上人異苔厂時晉

冲先至

棲托耽幽契莫林回晏溫同人悵伊阻駕言尋松
門亂竹寂瑤宇深蘿翳石樽高睇被原艸近舉親
水蓀蓼花閒自墮幾嵐擬復奔相遲遞初月啣杖
趨黃昏

秋夜聞溪漲

月暗水生煙谿聲亂如雨一夜黃山雲飛來漲秋

青巖詩集卷一

六

浦

豐干磁斗歌戲效長吉體

有序

豐干之陽一老人鑿井下及丈餘不窺泉
脈忽引鋤聲異得九泥如卵狀剖之見一

磁斗質色堅古約三代時物獻予作曲木

几水注遂納而歌之

豐陽磁斗野藤下土花繡蝕珊瑚根何年砂水孕
其質松皮剝落雷斧痕祝融峰燼朱炎槁枯情朴
氣相細縕新結羅襪亦良執中山甌甌成箎壘岫
嶠禹碑身半鐵周原石鼓頭已髡護持山鬼勿相

歎披苔飛入墨花村

湘江閨怨

人尋夏口一帆去家在邗溝第五橋明月有情還共照只愁分夢聽吹簫

桓公嶺

公諱彝謚簡公爲晉室宣城內史蘓峻之變公從宣城起兵遇賊烏谿死之土人思念不沒爲之崇祀溪嶺

日冷烏谿渡相傳內史名碑埋春草色刀吼夜田聲有恨吞狼子無因喚祖生鷹鷂何處逐枯淚結

青巖詩集卷一

七

干城

石雨春吟

彷彿逃秦日花津三百年谿塍奇石譜俎豆古田

苒苒親麋鹿邨邨樵杜鵑小兒拳正熟筍勢又

參天土人程氏自元末避兵山中

喜友人卜鄰山中

雲外忽相值深山寒未花坐疑泉是雨眺晚石如霞梅鶴閒分社漁樵訂一家子其予共樂不必註南華

山邨卽事

山僻原無客雲深徑更迷朝春方接視春雨遍修犁半確傳三世千廚共一谿晚歸羅幼穉三碗醉如泥

梅雨初霽同舒章晚眺諸天閣分賦

渴虹俯松末峰勢欲披扶高閣敞雲巘邂逅成清娛溪漲咽而駛禽聲喧復殊遊鱗廣川泳良苗欣有株大堤少人跡晚炊發東隅感彼造物工化者恒以俱放眼恣幽適一葉來青蕪詩人乘野懷農子息歛吁五月苦新暑嘉懷誠所需况得青蓮賓雅集眞吾徒茲遊曷繼緒暮落煙與紆

青巖詩集卷一

八

石榴花

碧曜流千點鮮姿照六時輕風搖瑪瑙細雨拭胭脂得自安南種名成工部詩美人裙上綻猶醉狹邪兒

七夕同程賈席鮑曉滋黃介卿僧印公茶集

西干樹下時印公鼓琴介卿度曲予忽感

而有詩

秋風欲入戶山氣落青涯招客坐林樹齊嵐但遠遮異禽應倦臥幽篠漸交加彈詠古人意含暉心所遇有泉流沮洳有石破谿衍筍菽味云薄牀書

眞有家初月漸清美哀絃靜不譁衆響貫終夕念之胡敢佳

雨從石壁下送三弟非隱之燕四弟運南之

楚

石梁沸白雲蒼蒼苗苗花殘楊柳黃來雁不勝聞
客別布帆鮑趣鱸魚香古甃磨壁山容稿細雨迷
離眷秋草巖陵一夜三百灘商飈颼颼悲猿慄沉
江日暮易水連相思恰遇卯湖天獨坐家山試秣
稻笑讀古人徒淒然漁燈夜寂水西寺野澗奔瀧
赴幽思不知響從何處來但聽孤岑吹薜荔

青巖詩集卷一

九

秋夜聽雨

空山夜雨飛野瀑相間息巖風阻寒漱樹杪動棲
翼靜念菊橙時逢年如稼穡奔激見決泝恬淡分
流洳臥看牀頭書伏蘚蛩唧唧

秋病贈印公

客從岑山來得與秋雲度彌曠兼兩旬峰氣帶檐
樹此時欽素心猶作病僧顧酌以青苔泉淡布徃
來趣風老瘴漸稀餘日遣立晤

閱孫子眞酒樓集

鍾山殘壘赤烏溝虎踞龍盤氣未休王謝衣冠封

馬鬣齊梁寺塔剎牛頭荒湖勝地留詩話赤手高
人造酒樓細數六朝興廢事莫將鐘鼎抗風流

題青蓮庵壁

無樹花飄千瓣雨對門山供一溪雲高僧未就深
林任車馬道傍原不聞

拜黃烈婦墓

片石題名大道傍行人揮淚斥牛羊俗情重死文
皆僞正氣驚天土亦香赫赫紅妝扶岱嶽巖巖青
塚拜鴛鴦悽惶只覺乾坤窄荆布英風繞夕陽

遊城陽山尋宣平道院

青巖詩集卷一

十

放筏尋城陽仙蹤窅殊寂秋聲團夜華水氣散林
薄寒藻列清漪殘欄護花藥彷彿負薪歸長吟采
芝作丹飛猿鶴親松嗅宮商錯亂石芭蕉生危岑
古藤絡道幻在沉溟散髮餘歌嘏遐哉古異人寒
林悵眞樂

八月十四日畢奮庸招同黃玄龍社集練江

山澤久寂寞良辰懷斯須嗟予愧通識令節增欷
吁眷言被清賞曲宴城南隅秋迴變氣候初砧生
夜壚揚檝宕平渚素襟皆晏如歲月自成一老汗漫
多踟躕願一肆遊從偃仰歸敝廬